



## “Concurso de Carteis 8M Cedeira” - Concellería de Igualdade – Concello de Cedeira – 2025

### 1. OBXECTIVO

1. O *Concurso de Carteis 8M Cedeira* nace coa vocación de sumar efectivos na loita pola igualdade real entre mulleres e homes, así como a eliminación da desigualdade histórica que neste eido aínda persiste. Coa firme intención da sensibilización sobre este tema desde os primeiros anos de vida, dividimos o concurso en tres categorías clasificadas por idades.

### 2. PARTICIPACIÓN

2.1 Este concurso está dividido en tres categorías:

- *Crianzas*, nadas despois do 2013
- *Xuvenil*, persoas nadas entre 2013 e 2007, ambos anos incluídos
- *Persoas adultas*: nadas antes do 2007

2.2 Admitirase un máximo de dúas obras por participante.

2.3 A técnica proposta para as obras é libre e deberá incluír un lema relacionado coa data 8M. Non serán valoradas aquelas obras que foran copiadas de outras existentes ou baixadas de bancos de imaxes na internet, así como imaxes xeradas con IA.

2.4 As imaxes deberán presentarse en formato físico en sobre pechado ou en arquivo dixital (jpg) cunha resolución de 300 ppp, tamaño mínimo A4 (3508 x 2480 píxeles). Todas as obras serán en formato vertical.

### 3. TEMÁTICA

O Tema principal do cartel e do lema deberá estar relacionado coa promoción da igualdade entre mulleres e homes en calquera das súas expresións e manifestacións. Vaian coma exemplos as seguintes temáticas:

- A diferenza entre sexo e xénero.
- Cuestionamento dos roles de xénero tradicionais.
- A importancia de que mulleres e homes compartan por igual espazos de poder, de coidados, de lecer e responsabilidades.
- O valor da corresponsabilidade de tarefas na familia e no fogar.
- Prevención e sensibilización sobre actitudes, pensamentos e comportamentos que perpetúan a desigualdade entre mulleres e homes.
- Conciliación da vida familiar, profesional e persoal.



- A discriminación por sexo no ámbito laboral.
- O papel das novas masculinidades na igualdade real.
- A dobre xornada ou dobre presenza.
- A igualdade no acceso ás novas tecnoloxías da información.
- O mito da libre elección en calquera das súas expresións.
- Calquera outra temática que se considere pertinente e axeitada, a condición de que estea estreitamente relacionada coa igualdade e a loita contra o machismo.

#### **4. INSCRICIÓN**

4.1 O prazo de inscrición para participar no concurso comezará a partir do día seguinte ao da publicación destas bases no taboleiro de anuncios da sede electrónica do Concello e ata o día 25 de febreiro de 2025.

4.2 Os carteis poderán presentarse de calquera dos seguintes xeitos:

- fisicamente en sobre pechado na oficina do rexistro do concello, ou envíalo a través de correo ao seguinte enderezo:

Concello de Cedeira  
Rúa Real, 15  
15350 Cedeira, A Coruña

- formato dixital a través da sede electrónica do concello achegándoos nunha instancia xeral, ou na oficina de rexistro do concello de Cedeira entregando a obra nun pen drive. Horario de atención ao público da oficina de rexistro, de luns a venres de 9.00h a 14.00h.

En calquera dos casos deberá indicarse a participación no “Concurso de Carteis 8M” e a categoría na que se presenta. No suposto de presentar a obra fisicamente deberá incluírse un documento indicando, nome da persoa que, enderezo, DNI, correo electrónico e teléfono de contacto. Nas categorías “Crianzas” e “Xuvenil” deberán incluírse os datos da nai/pai/titor/a da persoa menor participante.

#### **5. PREMIOS**

Establécense os seguintes premios por categoría:

Crianzas – 200€

Xuvenil – 200€

Persoas adultas - 200€

#### **6. SELECCIÓN**



6.1 Unha comisión seleccionadora composta por tres persoas propostas desde a concellería de igualdade serán as encargadas da elección das tres obras premiadas.

A valoración da comisión seguirá os seguintes criterios:

1. Mensaxe transmitido acorde coa visibilidade de diferentes expresións de desigualdade entre homes e mulleres.
2. Orixinalidade cós temas elixidos, así como a perspectiva dende a que se traten
3. Creatividade
4. Calidade do deseño / lema

6.2 Unha vez seleccionadas as obras en cada categoría será comunicado o fallo da comisión ás persoas gañadoras, así como o procedemento para acceder ao premio, que serán entregados o día 8 de marzo nos actos organizados desde esta concellería para esa data.

6.3 Os traballos premiados quedarán en posesión deste concello para a súa utilización desde a concellería de igualdade, sendo esta a única autorizada para a súa publicación.

6.4 Os traballos presentados e non premiados poderán ser retirados polas persoas propietarias no prazo de dúas semanas desde que se teña fallado.

6.5. A comisión resérvase o dereito de declarar deserto o concurso.

## **7. CONFORMIDADE**

7.1 A presentación da documentación esixida implica a aceptación das presentes bases na súa totalidade.

7.2 Calquera circunstancia non prevista nestas bases, así como a interpretación das mesmas, será responsabilidade do Concello de Cedeira, sendo as súas decisións inapelables.

Lucía Picos Aneiros

**Concelleira-Delegada de Igualdade**